

四庫全書

史部

欽定四庫全書

唐大詔令集卷一百二十二

宋 宋敏求 編

政事

捨雪下

重原宥淮西將士等詔

放淮西生口歸本貫詔

釋放妖妄人李廣弘支屬勅闕

雪王承宗詔

宥淄青大將詔

赦鎮州德音

雪王庭奏詔

洗滌長慶亂臣支黨德音

復陳敬瑄官爵制

捨雪下

重原宥淮西將士等詔

陸贊

勅乃者希烈亂常阻兵竊號汚脅士衆殘虐蒸藜朕志
在好生誠深罪已為人受恥不忍加兵惟茲一軍代著
忠節果殲元惡不替舊勲詢於衆情就邦興戎人亦勞
止期於小康旋乖恤下之方重致喪身之禍由朕薄德
俾人不寧撫臨萬邦且愧且悼賴將校士旅秉其誠心
邦人不驚軍部撫撓以茲節効良有可嘉所宜慰安俾
洽寬釋應士吏人承前所有諸色過犯罪無輕重一切
釋放曠然昭洗咸與更新其先請受莊宅財物者各以

見管為主將士衣賜節料并家口衣糧等一切並
准舊例以時給付不得停減先合優與賞設亦准
元勅處分務令豐厚以稱朕懷仍加曉諭各使知
悉

放淮西生口歸本貫詔

陸贊

勅遷徙家鄉分離骨肉有生之酷莫甚於茲朕撫育兆
人庶臻理道懲過不可以不罰原情不可以不矜將推
內恕之心用廣自新之路應從李希烈作亂以來諸道

所擒獲淮西生口配隸嶺南黔中等道宜一切釋免放歸本貫其投降人等權於諸州縣安置者亦任各從所適

雪王承宗詔

帝者承天子人下臨萬邦觀乾坤覆育之施常務其曲全用德刑撫御之方每先其弘貸叛則必罰服而捨之稽於典畧亦尚斯道朕祇符前訓缵嗣丕圖底寧方隅蕩滌氛祲上以擴祖宗之宿憤下以致黎庶之阜康思

卷一百一十一
厚者生務去者殺至於包荒掩慝屈法伸恩苟衷誠之
可矜則宥過而無大王承宗頃居喪紀常見責於鄰封
後領藩垣或受疑於朝野國恩維厚時憲未容戚實自
貽寵非我絕百辟卿士昌言在庭四方諸侯飛奏盈
篋競請致討爭先出車尚復廣示招懷務存容納至
於動衆事豈願然闔境憫羅其殺傷退舍為休其士
伍取陷救溺能無慘嗟以其先祖武俊有勞王室書
在甲令銘於景鍾雖再駕之師每從人欲而十代之宥

常切朕懷近以三代私慶八表流澤廣此鴻霈開其
自新而承宗果能翻然改圖披露忠懇遠遣二子進
陳表章緘圖印以上聞獻德棟之名部發囷奉粟并
竈貢烟地願復於職方物請歸於司會且天子所臨
莫非王畧析茲舊服將表爾誠諒申効順之心悉見
納忠之志抑而不撫何以示懷朕念此方其猶赤子
一物失所寢興靡寧忍駁樂土之人令就陳原之戮
既克剪暴常思止戈予之此心天地昭鑒况常山師

旅舊有功勞將改往以修來誓酬恩而遷善鑒精誠之俱切俾渙汗之載敷曠滌乃愆斷在朕志復此殊渥當懷永圖其王承宗所有瑕釁特宜洗雪依前守銀青光祿大夫檢討吏部尚書兼鎮州大都督府長史御史大夫上柱國充成德軍管內支度營田鎮冀深趙等州觀察處置等使應成德軍將士官爵實封等一切仍舊待之如初其管內四州百姓委承宗厚加安慰令守生業官吏已下各守舊職於戲禍福無

門善敗由已所鑒既因於克念易轍因獲其就安行之
維艱守在勿失凡百姓士宜知朕懷

宥淄青大將勅

勅魏博及義成軍節度送到擒獲逆賊李師道下都知
兵馬使夏侯澄兵馬使朱澄等共四十七人附麗兜黨
抗拒王師國有常刑悉合誅戮朕以其人居汚俗皆被
脅從况討伐已來時日未幾縱懷轉禍之計未有効歟
之由情似可矜朕不忍殺况王軍百姓孰匪居人詔令

頒行罪止師道方欲極於塗炭是用活其性命誠為屈法庶使知恩並宜從寬釋放仍令郵遞送至魏博及義成軍各委節度收管駆使如緣父母血屬猶在賊中或羸老疾病情切歸還者仍量事優賞放去務相全貸何所疑留

赦鎮州德音

門下仲尼有言詩云執轡如組審此言可以為天下也蓋為聖人組修其身而成文於被故伯益贊禹則曰滿

招損謙受益所以報有苗夏后啓亦云吾德未至教未
善故能尅有扈苟齊俗以禮化人以躬而可感於神明
柔於蠻貊累聖遺教昇平舊風堅金在鎔為人之所鑄
猛獸在柙由人之所馴因而撫之敢忘前訓朕以菲德
纘承鴻緒屬先皇掃刷中寓康濟兆人八表晏然五兵
咸息常兢懷於繼述思致理於和平豈以樂戰為心佳
兵在念而鎮州以承宗云亡自歸誠款幽州以劉總懇
志願釋兵符相繼來同無思不服非服勤於遠畧力以

致之亦能綏柔咸加霈澤不愛金帛以惠於戎士不吝
爵賞以寵其偏裨復以一二台臣嘗推謹愿庶將朕志
以靖方隅而佚於既安莫能思患曾未累月旋聞叛離
朕亦欲因其人心命將興師顧念弘正盡忠先朝身嬰
殘害家受屠戮為之元首能不痛心是用下制先申告
諭求其先惡冀釋幽冤仍令四面節度各守封境不欲
遽加誅討所望自効忠誠而將士等懼罪以相保王庭
湊為衆之所迫固其封壤捍以兵鋒每聞戰爭永言黎

庶為之君父又可忍乎是用輶食忘寢晝夜萬慮恭惟
烈祖之訓必用兼愛之心務以安人為國本不以窮武
為威力顧予寡昧敢忘遵承為追念而興師已極君臣
之分為軫憂而捨罪豈非帝王之道况王庭湊倉卒之
際固非始謀接之以恩榮自當展其志義委之以戎鎮
必冀效於勲庸禍福無門行之則是弛張在我用亦何
常苟推信誠便保忠順苟得其衆孰非吾人擢而任之
式示光寵宜特舍雪仍授檢校右散騎常侍兼鎮州大

都督府長史御史大夫克成德軍節度鎮冀深趙等州
觀察處置等使應成德軍將士官爵一切依舊待之如
初仍令兵部侍郎韓愈充宣慰使於戲朕於彼三軍惠
非不至於彼閩境恩非不周今弘寬大之典以應陽和
之令使離散者見親愛之樂暴露者歸室家之安各宜感
悅以就寧泰布告中外體朕意焉主者施行

雪王庭湊詔

帝王之御大器也上法天意下順人情何嘗不欲舞干

羽之報以致懷來滌塵垢而弘惠貸朕以寡昧獲守昌
圖享二百餘年之丕基纂十三列聖之洪業而涉道
猶淺燭理不昭德未洽於生靈信未孚於微隱至使河
朔殘梗藩臣阻絕既多在予之責每軫納隍之念頃者
滄州拒命將帥專征有國彝章非朕敢赦諒功成九伐
當事止於一方況成德本軍早列勲籍庭奏初意亦獻
嘉謀因緣細微互構瑕釁且聞朝廷已挂刑書雖欲上陳
固難自達及滄德翦定甲兵偃戢拜章辨數納疑隣封

爰憩台臣俾通王命備聞恭暢延望私恩感激而情動
三軍歡呼而聲馳四郡朕猥居兆人之上常懼一物失
所雖外示君臣之義實內猶父子之親豈可使覆載之
中不沾雨露照臨之下獨隔輝光斷自予衷靡聽輿議
既改之而不恠則得之而如初俾服官榮載膺寄任爵
服盡在恩禮用加其王庭奏可依前授金紫光祿大夫
檢校司徒兼鎮州大都督府長史御史大夫上柱國太
原郡開國公食邑二千戶充成德軍節度鎮冀深趙等

州觀察處置等使於戲天道之所助者曰順人倫之所
重者曰忠為君在於不疑為臣在於不貳然後上下交
暢以底泰寧當弘令猷勉收來效凡百卿士宜體朕
懷

洗滌長慶亂臣支黨德音

門下皇王之令究慝必寘於嚴誅天地之仁含育亦存
乎在宥除惡務絕其根本原情必諒於親疎慮興詿誤
之嫌用安反側之舉寬弘之典盡滌瑕痕追惟長慶之

初亂臣賊子之輩人神共憤覆幬不容頃以論刑是從流竄而東宮親昵之黨亦參帷幄之謀顧偷冒以取恩陷君父於不義必資懲創以蕩奸源議法當然非朕赦赦而曾不知過交搆流言興謗道途扇惑人聽蓋以從前搜捕未盡巢穴猶存再令根尋果獲支黨無非近戚咸伏其辜於臣節而既虧於國章而難逭外廷徵兵欲戍邊塞此皆狂詐扇動人心况今邊上甲兵足以備禦欲令知委故重宣明仍委所在節級將以此告諭昔者

堯舜之俗比屋可封虞芮之人讓畔可感仁義則水火
可蹈忠信則蠻貊可行由是言之亦在化之而已逮我
長理何其遠哉豈朕之滿假荒寧自聖而不可教也將
朝之魁梧骨鯁自持而莫我念邪二者之來皆朕不敏
內省終夕其心浩然於虛封域之中干戈作矣廊廟樽
俎無忘弭寧布告朕懷以湏良善主者施行長慶元年八月十四日

復陳敬瑄官爵詔


大海所以長百川者下流必納大地所以載萬物者有
質皆容括后體之事無常世弔人拯溺則龔發王師錄
舊棄瑕則大開法網斷自朕志又何愧焉陳敬瑄發跡
禁軍遂各居大鎮因緣遭遇窮極寵榮先皇帝頃屬艱
難遂至廵狩敬瑄當鎮都會頗罄忠誠大則有天下赴
難之師皆求宿衛次則有官司奔走之吏重弼朝廷玉
帛波輸梯航露集實竭勇智備極經營庭支日費而未
省告勞供饋星繁而竟無橫歛全由盡節果叶中興朕

初奉宗祧未熟政理遽忘前績俄至興師責楚子之包
茅爾雖曠職望公孫之豆粥予亦無恩致我勞臣冀明
素志近者視朝無事乙夜觀書則盧綰之在四夷尚堅
夙衛周勃之居一縣足表厚誣前史具存殷鑒何遠矧
朕冲眇敢忘勲勞相印兵符高爵顯位既從昭雪寵加
如初勉思禍福之門重契君臣之分抑人情而遵天道
既已無疑思福善而誠禍盈使當自省王建顧彥朗等
久屯師旅頗罄忠勤盡懷頗伏之謀俱奉及瓜之戍眷

言勲効常所歎嘉今則大布寬仁永安誣誤在稟垂橐之令勿辜偃革之恩便令部領師徒各歸所任其廻戈將士等仰彥朗王建以奉本道上供錢物量事優賞訖奏兼聞楊晟等深知逆順首率歸投陳勁草之心備宸輿之禮書之信史永播忠規敬瑄重作藩侯列牧復為州將勉斯如叶以保初終無構厲階重貽伊戚敬瑄可開府儀同三司太師兼中書令成都尹上柱國潁川郡王食邑四千戶食實封八百戶充劍南西川節度副大

使知節度事管內觀察處置統押近界諸蠻及西山八
國雲南安撫制置營田供軍糧料等使於戲刻舟求劔
取笑古人膠柱調絃故難忘理以茲通變冀息干戈苟
有利於蒼生又何辭於改作布告遐邇咸使聞知大順二年

三月



唐大詔令集卷一百二十二

欽定四庫全書

史部

唐大詔令集卷一百三十六

詳校官編修臣范來宗

編修臣裴謙覆勘

總校官編修臣倉聖脉

校對官學正臣常 猶

謄錄監生臣甯汝蘭

欽定四庫全書

唐大詔令集卷一百二十三

宋 宋敏求 編

政事

購募

募擒王世充爵賞詔

購殺武元衡賊勅

平亂上

平竇建德赦

平王世充後赦

平輔公祐赦

皇太子建成齊王元吉伏誅大赦

平內難赦

收復西京還京詔

收復京師詔

至德二年以收復二京大赦

平朱泚後車駕還京赦

購募

募擒王世充爵賞詔

世充僭逆苟逼黎元向化之途無由自達朕惡煩百姓不欲興戎久厭兵威未窮征討然而縱逆彌甚暴虐不悛憫彼方隅又遭塗炭賊既糧盡計竭衆叛親離惡稔貫盈亡徵已見今則分命驍勇步騎齊趨直指洛濱衝其巢穴招降納附拯救阽危務在安人豈求寶利兵馬所

到有因事立功擒兇制勝者重頒爵命厚加褒賞其金

玉寶藏分賜士卒酬賞之科仍依別格宜明申布咸使

聞知武德三

年七月

購殺武元衡賊勅

朕以不德恭臨萬邦不敢自逸每懷兢惕而兇狡竊發
殲我股肱是用當寧廢朝通宵忘寐永懷匡輔何痛如
之宜亟搜擒以撫憤毒天下之惡天下共誅念茲臣庶
固同憤激宜令京城及諸道所在同捕逐有能獲賊者

賜錢一萬貫仍與五品官以有官序量加超授如本雖同謀或曾停止但能糾告當捨其罪仍同比科敢有藏匿全家誅戮布告遠近使明知之

元和十
年六月

平亂上

平寶建德赦

自隋氏失馭致民流離盜賊交侵區宇離析喋喋黔首俱被焚溺之災元元無辜並困豺狼之吻朕受天明命君臨八極克除暴亂大拯氓黎聲教所覃無思不服

唯彼趙魏尚隔朝風建德往因喪亂連羣結黨竊州據
邑擅置官僚叛換一隅恣行兇虐朕愍彼河朔久遭塗
炭納隍軫慮無忘興寢但以凋弊之後惡煩士衆且事
含弘未先討擊然而遊魂放命數貫稔盈驅率犬羊圖
為侵斥與王世充欲相救援輒來舉斧以抗天軍兵威
所臨醜徒崩潰生擒建德囚致軍門凡厥徒黨皆就虜
獲歷稔逋復一舉廓清蕩滌生民與之更始可赦山東諸
州為建德詐誤者自武德四年五月八日以前皆赦其

罪

平王世充復赦

詔曰天生蒸民樹之司牧光宅區宇撫字黎庶日月照臨文明於是統極雷雨作解順時所以布化往者隋李道衰刑政廢缺九服雲擾五岳塵飛率土之民墜於塗炭瞻天踊地控告無所朕愍彼橫流志存拯溺投袂鞠旅肇建義旗伐暴除殘克寧宇縣靈祇叶贊遐邇樂推歸運所集祗膺寶位戡剪多難撫輯遺民溥被萬方情

均覆育然而世充方命擾亂周朝建德遊魂虔劉趙魏
虐害良善阻絕朝風古念匪民久罹凶毒滿堂之樂
猶有向隅納隍之歎無忘旦夕是以出車命將伐罪
弔民宗廟威靈卿士效節旌旗所拂醜徒氷泮三凶授
首萬方廓清書軌大同氣祲澄蕩邊侵解柝烽燧無虞
振旅休兵塗歌里忭既九圍寧謐八表乂安思與吏民
厲精更始朕惟寡德政道多違陰陽不調致使亢旱深
思惕懼震悼於懷解網崇恩宜流愷澤可大赦天下自

武德四年七月十二日昧爽以前大辟罪已下已發露
未發露悉從原放自武德二年十二月三十日以前亡
官失爵者量聽叙用天下民庶給復一年其陝鼎孟虢
等六州供轉輸之費幽州管內久隔寇戎給復三年
身死王事量加褒贈律令格式且用開皇舊法孝子順
孫義夫節婦所在詳列旌表門閭竒才異行隨狀薦舉
高年惄獨量加贍恤

平輔公祐赦

詔曰自有隋失馭盜賊交侵四海羣飛六合雲擾上天
降鑒爰命朕躬戮盡凶災廓清宇縣然而江湖之外水
鄉僻遠向化之民未能自達逆賊輔公祐構扇凶醜蟻
聚蜂屯侵虐黎民搖動城邑憫茲塗炭義在弔撫命彼
偏師聊申薄伐沿流而下乘機尅定氛祲清蕩遐邇乂
安文軌大同朝野咸慶今朱明戒序時方長育宜順天
心播茲大惠可大赦天下自武德七年四月一日昧爽
以前大辟罪已下已發露未發露繫囚見徒悉從原免完

惡劫賊官吏枉法受財主守自盜及常赦所不免流配
已上者並不在赦例已命山澤收藏軍器百日不首復
罪如初其江州道行軍經塗攸遠非無勞供運轉輸及
從軍役者並宜給復二年從軍內有犯罪除解官人立
賞勲效者並復官爵仍依本品隨才處分揚越之民新
沾大化見在民戶給復一年其與賊同心共為逆亂者
非被迫脅情狀難原者不在赦限

皇太子建成齊王元吉伏誅大赦

朕恭膺寶位臨馭萬方綏育黔首於茲九載欲仁惠之政
達於天下德義之孚孚於宇宙豈謂莫大之釁近發蕭牆
反噬之惡滅於天性皇太子建成戚居嫡長屬當儲貳處
以少陽冀克負荷光昭遠近狎比羣小聽受邪謀蔑棄君
親離阻骨肉密圖鈀逆潛為梟獍司徒齊王元吉寄深磐
石任惟翰屏寵樹既厚職任非輕背違天經協同元惡助
成隱慝遙相驅扇醜心逆迹一旦盡彰惟彼二凶罪窮數穩
禍不旋踵自取屠戮念茲醜惡慙恨盈懷今禍難既除氣

祲澄蕩國步夷坦政道惟新思與萬民滌除更始可大赦
天下自武德九年六月四日申時以前罪無輕重已發露
未發露禁囚見徒悉從原免凶逆之事止有二人自餘徒
黨其被誣誤一無所問各從洗蕩其僧尼道士女冠宜依
舊定國朝之事皆受秦王處分

平內難赦

大盜移國朝有賊臣見危受命家多義士朕以凶閔觸
緒靡清奸豎構禍傾陷宗社潛圖欲發機兆未萌相王

第三子臨淄郡王某糺合同盟忠勇奮怒志除凶黨保
護邦家逆賊韋溫馬秦容葉靜能宗楚客紀處納武延
秀趙履溫楊均業等密行鴉毒先聖暴崩朕志不圖全
枕戈泣血風雲玄感情計陰通太平公主男衛尉卿薛
宗暕與前同州朝邑縣劉幽求總監鍾紹京日夜共謀
誓誅逆黨凶徒驚恐投竄無所今天衢交泰氣祲廓清
宜由靖難之恩以紀升平之化自唐隆元年六月二十
一日昧爽以前大辟以下常赦所不原者咸赦除之其

逆賊頭首咸以斬決自餘支黨一無所問內外官三品以上賜爵一級四品以下加一階某諱可封平王實封一千戶賜帛五千段鍾紹京可銀青光祿大夫守中書侍郎潁川開國公食實封一百戶賜物一千段前同川朝邑縣尉劉幽求可朝議大夫守中書舍人仍參知機務中山縣開國男食實封二百戶利人府折衝麻嗣宗可雲麾將軍行左金吾衛中郎將賜物一千段

收復西京還京詔

聖人有作弧矢爰興歷代已來征伐靡廢自逆胡已死
餘孽猶存所統蕃人多以利合亦有因事從便被脅強
從朕誓雪國仇餘無所問中夜痛憤志安蒼生其假息
偷生披城自守鼎魚幕燕何以論慈廣平王及各諸將
分隊夾攻迎軍破敗橫屍遍野積甲如山二十里可知
多少其中逼迫同被殺傷言念於茲良深憫悼今兵馬
乘勝便取東京平盧節度兼令契丹五方又收河北天
下之事計日可平緣京城初收要安百姓又掃酒空闥

奉迎上皇以今月十五日還京一應供頓務湏減省事
除愆尤官別優賞宣示百姓令知朕懷

至德二年十月

收復京師詔

國家出震乘乾立極開統謳歌歷數啟聖於今文物聲
明握圖六合安祿山夷羯賊類頑凶殘孽復以悍邊
有功專制方面同人者貌謂報効恩私異人者心乃包
藏逆亂以為中原無備干戈可動而毒深流禍變起倉卒
塗炭萬姓興言痛憤朝市之內忽肆凶殘衣冠之中咸

被點汚朕作人父母志雪國仇是用中夜奮發提戈問
罪自靈武聚一旅之衆至鳳翔合百萬之師親總元戎
掃清羣孽出師之日仍下寬令殲厥渠魁餘無所問有
能翻然歸順自縛軍門復其官爵仍加優將士等以大
軍一舉玉石俱焚元惡就誅凶殘並戮僵屍遍野延馬
不遺今西土罷兵咸以寧輯河洛氛祲一朝剪除廣平
王倅受委元帥能振大聲左僕射子儀決勝無前克成
大業復有回紇葉護及雲南子弟并緒番人馬等皆竭

誠向化助戰賈勇事同破竹易若摧枯朕入城之日百姓等咸思戴商復喜覩漢烟雲風景皆是祥光里巷歡呼唯聞相慶朕早承聖訓嘗讀禮經義功奉先恐不負荷今復宗廟於函洛迎上皇於巴蜀奠鑾輿而反正朝寢門而問安寰宇載寧朕願畢矣且復人將有生敢當天地之心必興王在德實憑社稷之祐京城百姓諸道耆壽百姓比者時穀翔貴新芻不給困窮之極朕嘗繫心緣初收京城倉庫未積國用稍足豈忘施惠其諸色

行人因陣敗沒並坊市百姓及諸色番胡名幕并本是元惡凶黨昨因破賊所在潛藏並仰於府縣及御史臺陳首一切原其罪如有不首被人言告捉獲者並從軍法其京城內外文武官有受賊補署罄其心腹自祖及父皆承國恩就逆背順頑志臣節或有守舊官者請俸料為賊判事者或判事之際中間得替免有攝賊偽官兼知職掌其中有京官外官及前資自身皆受擢用其中有隱迹不出故辭疾病色類既廣人類又多宜令御

史臺憲部大理三司據狀勘責條件聞奏其有外官充使及先有職掌并事故及隔絕未赴任在城者亦委三司勘責奏聞又賊中臺府坊市所由人等比與逆賊追捕皆是事端損害忠良仍奪財物為蠹尤甚情不可容宜令崔光遠禁身切推按鞫具狀聞奏勿令漏網其內侍省及左右龍武羽林軍閑廐飛龍諸武官應先合從駕人等其中臨行潛避遂受賊驅使各並委本司使括責量情狀輕重奏聞其有隱盜倉庫及偷劫逆賊家錢

或受賊寄附與賊貿易與賊請祿料等因此隱沒者並限勒到十日內各於所由陳首其物便準數送納本處並還不湏科罪慮以有破用徵納難辛仍捨分放三分以弘寬待其近日逆人及隔絕人莊宅宜即括責一切官奴又聞人家子女多被侵逼且非本情一切不湏尋問或與逆賊所居住隣近及作意故徃來情非切害一時之事有殊逆黨宜釋放其有受賊偽度人宜令所司括責並勒還俗其僧道各改本色所在寺觀勿許居止

今西京無虞三靈通慶可以昭事其事宜在覃恩待上
皇到日當更有處分咨爾有衆知朕意焉

至德二年

收復兩京大赦

詔曰軒轅有版泉之戰帝堯有丹水之師湯有葛伯不
祀周有儉猶孔棘古之王者奉若天命不敢不治亂常
干紀不得不誅日者逆豎猖狂敢行稱亂朕嗣守鴻業
欽承睿圖枕戈嘗膽撫劖泣血罔不夙夜若涉春冰賴
天地疾感社稷憑怒上皇不烈萬國允懷因時致討為

人請命由是義夫奮發回紇籍兵邢折閔輔之士汧隴
河隍之衆沙朔羌戎之騎微盧蠻貊之人萬里雲趨四
方霧合既張我伐咸啟乃心蠹茲蜂蠭之餘尚負螗蜋
之力自京南合戰洛北追奔百萬摧鋒一戎而定昔夏
以有窮之亂克之者四十年漢以新莽之篡復之者六
千日從無歲周末再氛祲廓清風振海而波蕩雪破山
而石裂寰區重開日月增輝此皆三靈叶贊累聖垂祉
豈予小子能集大勲須以先掃宮室奉迎鑾駕紫宸初

正黃屋未歸耆老之願望則深庭闈之依戀猶積所以
自天之澤必本於承顏作解之恩尚稽於俟命今六飛
屆正萬姓昭蘓義奉君親慶深家國不失舊物與俗惟
新宜弘肆青之典共喜以康之福可大赦天下常赦所
不免者咸赦除之其逆人能自投降率衆欵附及殺獲
逆人具以郡縣軍城降者並加超賞應與安祿山同謀
反逆枝黨及李林甫王鉛楊國忠等一家並不在免限
開元及蜀郡靈武元從功臣有守土沒死王事者並加

優贈各與子孫一人官乘輿幸蜀天步多難人心且搖
無復固志太子太師龜國公韋見素開府儀同三司內
侍監齊國公高力士開府儀同三司右龍武大將軍頴
川郡公陳玄禮開府儀同三司左龍武大將軍田長開
府儀同三司左龍武大將軍張崇俊特進右龍武大將
軍杜休祥等勇不顧死危能致命或竭誠羽翼仰北辰
而環拱或叶契心膂聚東井以全歸疇茲錫祉之永以
誓襟河之義見素加開府儀同三司實封三百戶力士加

實封三百戶玄禮進封秦國公實封三百戶長進封雁
門郡公崇俊進封南陽郡公休祥進封馮翊郡公各實
封二百戶朕恭行天罰誓兵朔野幸以一旅之衆遂成
九有之師言念經綸豈忘締構銀青光祿大夫尚書右
僕射裴光識宇沖深體局貞固輸忠佐命肇契興王加
開府儀同三司封冀國公食封三百戶光祿大夫殿中
監同正員判行軍李輔國志除兇惡忠誠濟危加開府
儀同三司殿中監依前判行軍事封成國公實封五百

戶銀青光祿大夫宗正卿兼工部侍郎李遵義功維成
勲參定國家加特進封鄭國公實封二百戶開府儀同
三司兼鴻臚卿同正員中軍都知兵馬副大使管崇嗣
能訓戎律以佐兵權進封鉅鹿郡公實封三百戶中軍
都虞使特進兼鴻臚卿同正員李鼎加開府儀同三司
進封保定郡公雲麾將軍右衛大將軍右羽林軍宿衛
內供奉王統加特進太原縣侯仍各實封一百戶自寇
戎姦宄王師未攻瞻言京邑尚聚犬羊廣平王叔脩

學好古令德孝恭志存邦家誓雪仇恥爰鞠其旅元戎
啟行可封為楚王食實封二千戶銀青光祿大夫尚書
左僕射兼武部尚書同中書門下平章事兼靈武大都
督府長史單于安北副大都護持節充朔方節度關內
支度營田鹽池押諸番部落副大使節度事六城水運
朔方管內採訪處置使子儀才光三傑功格十臣克焯
皇威載昌天葉加司徒兼尚書右僕射進封代國公食
實封二千戶平章事已下並如故開府儀同三司兼鴻

臚卿同正朔方右廂兵馬使同節度副使姑臧縣子僕
固懷恩進封豐國公實封三百戶開府儀同三司兼右
金吾衛大將軍同正仍充四正伊西北庭行軍兵馬使
李嗣業履險忘危破敵匡難兼衛尉卿同正封號國公
食實封二百戶銀青光祿大夫守司徒兼戶部尚書同
中書門下平章事進封冀國公鴻臚卿大原尹北京留
守河東節度副留使薊國公光弼全德挺生英才間出
于城中侮生甲安邊可司空兼兵部尚書同中書門下

平章事進封薊國公食實封八百戶開府儀同三司御
史大夫兼工部尚書持節先招討西京並定武威武興
平等軍兼閔內節度河西隴右伊西四鎮行軍兵馬使
王思禮養銳先聲蓄奇後殿可開府儀同三司行工部
尚書兼御史大夫封霍國公實封五百戶光祿大夫太
常卿同正兼御史大夫淮南西道節度採訪使潁川太
守來瑱可開府儀同三司兼御史大夫封潁國公餘如
故特進太僕卿南陽太守兼御史大夫權知襄陽郡事

金鄉縣公魯靈蘊是韜畧副茲節度可開府儀同三司
兼御史大夫封祁國公仍各食實封三百戶兼京兆尹
持節充京畿採訪計會招名宣慰處置使崔光遠毀家
成國制命前茅可特進行禮部尚書封鄴國公食實封
三百戶開府儀同三司李光庭慎固封守克敵殊勲進
封范陽郡公食實封二百戶賢非后不享后非賢罔乂社
稷之任必在良臣左相留晉卿忠不忘君才惟濟代弼
成大業保乂王家可特行侍安封韓國公食封五百戶

憲部尚書同中書門下平章事李麟蘊德成務含貞軌
物發揮常業潤色皇猷可金紫光祿大夫刑部尚書同
中書門下平章事崔圓允釐庶績康濟艱難一匡天下
大庇生人可特進行中書令趙國公食封五百戶朝散
大夫守中書侍郎同中書門下平章事河南節度採訪
處置使賜紫金魚袋張鎬謀猷惟允綱紀立程總茲戎
律懿是謀府封南陽縣公餘如故銀青光祿大夫太子
少師房琯嘗以經術輔導朕躬加金紫光祿大夫清河

郡公銀青光祿大夫守太子少保嗣號王匡頃以宗支
居守京邑加金紫光祿大夫越國公烜兼總元戎克寧
全蜀可賜金紫光祿大夫戶部尚書銀青光祿大夫守
吏部尚書銀青光祿大夫守禮部尚書李峴饋軍周給
開物成務可光祿大夫行御史大夫兼京兆尹封梁國
公中大夫文部侍郎賜紫金魚袋蘇震供億蒸徒臨事
益辦可銀青光祿大夫行吏部侍郎其赴蜀郡靈武元
從官及在路扈從官三品以上與一子官已下與一子

出身六品已下量與進改功臣將士勲業高者當別有
處分應見任五品已上當別各與本官階其陣亡人令
所在郡縣收骸骨瘞埋具酒食致祭諒與追贈其家給
復三載諸郡縣或隔絕賊境則困於兇殘或犒宴官軍
則弊於賊歛其來載租庸三分放一分其天下百姓應
諸色自徵及欠負官物一切放免宜令中書門下簡使
即分道宣慰往郡縣審問百姓間利害有湏釐革處置
者一一奏聞其園苑內有閒地安閒廐使總監各據所

管地界耕種所收草粟以供軍馬其宮女及狗豹雞雁之類宜即停減屋宇車輿衣服器用並准或珠玉寶劍脫金泥織成刻繡之類亦然學官則精選務令講習簡擇郎官有堪任太守縣令者委京官清資五品已上及郎官御史開薦其郡縣官有灼然清白理行尤異百姓中孝悌力田不求聞達者宜委採訪使聞奏其文經邦國學究天下博於經史工於詞賦善於著述精於法理軍謀制勝武藝絕倫並任於所在自舉委郡守銓擇奏聞不

限人數其律令格式未折衷者委中書門下簡擇通明
識事官三兩人并法官一切則定近日改百官額及郡
名并官名一切依故事頃以上皇在蜀朕亦居岐蜀郡
宜改南京鳳翔郡為西京西京為中京蜀郡改為成都
府鳳翔郡府尹以下官寮並同三京名號吳山改為吳
岳其祠享官屬並准五岳故事天柱山老君廟改為洛
聖宮京五品以上官上郡太守及見在無官及官卑者
並與五品官父祖先亡歿者贈一人官祖母亡歿亦追

贈邑號忠臣事君有死無貳烈士徇義雖沒猶存其禮
燈盧奕顏杲卿袁履謙許遠張巡張分然蔣倩龐堅等
即與追贈訪其子孫厚其官爵家口深加優賞其內外
文武官有遭逆賊殺害及申赴本朝并逃難山谷其父
子兄弟伯叔等與賊捕捉損害及謀翻成人言語洩漏
因遭賊戮並勘實奏聞當與追贈天下耆老八十以上
版授有差並賜緋魚袋太原遭圍逼給復三年上兵等
郡縣堅壁多時力窮方下絕食尚守情亦可矜宜各給

復三載其好畤奉先丙縣進退禦寇徵求復多各給復
三載蜀郡上皇親幸萬乘久居明年租賦且依常式起
後載給復三載良姊張氏脫望氣如歸當能見節可
冊為淑妃進封南陽郡王傑為朝趙王新成王僅為彭
王頴王間為充王第七男健封涇王第九男僕封襄王
第十男佑封興王第十一男僕封杞王第十三男侗封
定王叔已下所司擇日即行冊命雖知子之明慙於往
哲而伏親之義蓋所隨時特盈尊師及儀王以下各賜

全物五百疋諸掌公主各與一子官嗣郡縣主各與一
子六品官皇五等已下及九廟子孫及親等人見任者
並與轉改内外文武官三品已上賜爵一級四品已下
各加一階應紀叙三品五品量加減兩考蜀郡鳳翔扈
從官九品已上更賜勲兩轉薄天之下賜酺五日主者
施行

平朱泚後車駕還京赦

門下致理之體先德後刑禮義興行故人知耻格教令

明當則俗致和平然後奸匿不萌暴亂不作古先哲后
莫不由斯國家受命百七十載八聖儲慶敷佑下人邁
種寬大之德累蠲苛酷之令蓋仁之所積者厚故澤之
所流者深茲予小子獲主重器暗於治亂之理溺於因
習之安授任不明賞罰無當立法以齊衆而犯命愈甚
興戎以除害而長亂益甚繁賦蓄姦乘釁竊發九廟乏
祀兆人靡依廸猶肆其吞噬豺狼聚於宮闈歲未云半載
罹播遷仰慙穹昊俯愧臣庶致或賈越苟全眇身誠懼

益縱寇讎重辱宗社忍耻誓志庶補前愆賴億兆之心不忘先德將帥戮力恭行天罰俾予寡昧再膺多祜納乾綱於既紊復天柱於將傾言旋鎬京不改舊物宗祧以序朝享有期責重慶深彌增感歎嗚呼君者所以恤民也君若失位民將安仰朕既不德致寇興禍使生靈無告受制兇威苟全性命急何能擇或虧廢名節或貪冒貨利陷於法網事匪一端究其所由自我而致不能撫之以道乃欲繩之以刑豈所謂恤人罪已之誠含垢

而和之義滌清汙俗咸與更新可大赦天下自興元元年七月二十二日昧爽以前大辟罪以下已發覺未發覺已結正未結正繫囚見徒常赦所不原者咸赦除之今年五月二十八日已前左降官即與量移已經量移未復答者更移近處流人及配隸罰鎮効役並即放還亡官失爵放歸不齒量加収叙未復資者更與進改其黜免人等有素著行能傍遭譴累特加錄用勿以為負不有患者誰復社稷不有勞者誰從巡狩連帥之重所以殷邦禦戎也二千

石之任所以分憂共理也方鎮將校勤奉戎役中外寮吏
恪居官次國有大慶所宜同之內外文武及致仕官三品
以上賜爵一級四品以下賜加一階仍賜勲兩轉司徒兼
中書令晟膺時傑立光輔中興再定皇都一匡天下推恩
之典貽慶無窮宜與一子正官員京官侍中誠沉遠忠厚
服勞王家保全危城誅殛大憝嘉乃懋績次於寵章宜與
一子六品正員京官鎮國軍潼門節度使檢校右僕射駱
元光瓌京畿渭南商州節度使檢校右僕射尚可孤邠寧

等州節度使檢校左僕射韓遊環奉天行營諸軍節度使
檢校右僕射戴休顏等咸秉大節著於艱難同勲叶忠翼
我興運各與一子七品正員官諸道節度使及行營都知
兵馬使都虞候興元扈從左右金吾大將軍等各與一子
八品正員官諸道團練觀察處置等使各與一子九品正
員官應諸軍赴上都収復將士俱以純誠奮其勇節連年
帶甲百戰摧鋒有忘身以効命有滅親以徇義誓平國難
如復私讐竟揚貔武之雄克清梟獍之業策勲行賞傳嗣

榮親播乃功名與國終始自去年冬以來未經甄叙者即
與超八資改轉已經甄叙者更與超三資進改三品以上
祖父母父母在先無官封者量授致仕官及邑號亡者並
與追贈四品以下父母在先無官封者亦授致仕官及邑
號亡者與追贈其賞錢即委所司依元赦支給應扈從將
士三品以上賜爵兩級四品以下各加兩階仍並賜勲三
轉其祖父母父母官封追贈及支給賞錢並准收京城將
士例處分應扈從官普恩之外三品已上更賜爵一級四

品以下更加一階若常參官祖父母父母先無官封者量
授致仕官父邑號亡者並與追贈諸州刺史普恩外賜爵
一級諸道進表官陪位者進加一階其奉天定難及元從
功臣宜令本庫軍本使即定名聞奏所司各准元勅優賞
其諸道鎮軍及行營將士三品以上賜爵一級四品以下
加一階仍准今年正月一日制速與甄叙成德淄青魏博
等節度下並諸道運應歸順將士等各蘊誠義積著功勞
由朕失於撫綏頃歲暫懷疑阻尋能勵節不替舊勲是資

宴犒俾洽王澤即約額支計各賜錢賞設仍委本道節度
准前後赦速條流甄叙其朔方并諸道應在河中管內并同
州將士等自遠赴難解其重圍念茲功勞並未酬報雖遭脅
制情有可憐應到行營未經甄叙者並准元赦超五資改轉
其賞錢比收京將士例各給一半委本軍兵馬使速條奏聞
所司即計給付其食實封者配類令其請受應天下諸道州
府將士如有年老及疾患尪弱不任軍旅願歸鄉里者並給
終身優復州縣力如存恤勿令侵擾如無家業可歸者給

田宅使得全濟見危致命先興所尚況忠衛社稷殺身
成功朕於斯人義有加等贈太尉秀實天授貞烈阻茲
姦邪蒼黃之中獨蘊神斷將紓國難詭取寇兵兇謀既
隳吾事果濟忠誠奮發手擊渠魁英風凜然振邁千古
宜差官致祭并旌表門閭府縣護其喪事塚葬所要一
切官供仍於墓所立官碑以揚徽烈其所賜實封五百
戶嫡子授正員三品諸子各授正員五品官委中書門
下即准元赦處分應諸道諸軍將士有身亡王事委本

道本使具名銜聞奏即與褒贈仍以在身官爵授其子孫內外文武官及諸親諸色人等有橫遭殺害者各聽其家及親戚於所司陳牒勘責聞奏亦與追贈如跡著忠烈衆所明知仍訪其子孫量加優恤尚齒養老王風之省三代制理未或遺年朕將遵古典以興化本人心而教孝用優秩賜式慰閭里京兆府耆壽年八十已上並與板授刺史仍賜八十已上及諸州府迎駕耆壽並與板授本縣令仍賜緋天下侍耆壽等亦各與板授本官

如九十已上者州縣長吏歲時躬親省問貧弱不能自
守者重賜粟帛頃屬多難人俗流弊加之以師旅因之
以飢饉賦役繁起農桑失時哀我癉人汔可小息然以
國計猶歛軍資靡充未盡復除良增愧悼應天下建中
四年年終以前所有諸色負欠在百姓腹內者一切放
免百司諸軍諸使舉放利錢今年六月以前百姓欠負
未納者亦並停徵京兆府百姓普恩之外給復一年其
供頓官吏委京兆府類例具名銜聞奏量與優賞古者

計戶以署吏因時而建職此不乏士亦無冗員令田畝
汙菜版籍凋耗齊人編戶托庇官曹貪吏點胥誘為
囊橐啟姦隳業為害尤甚應京百司色役人及流外等
委御史大夫即與諸司諸使長官審商量據見所掌事
之間劇定額聞奏仍挾名送中書門下務宜減省副朕憂
人以後湏署置並定名先奏仍永為恒式今年正月一
日赦書節目未行者並舉而行之赦書或有不該即此
類條件聞奏敢以赦前事相言告者以其罪罪之亡命

山澤挾藏兵器百日不首復罪如初赦書日行五百里

布告遐邇咸使聞知

興元元年七月二十三日

唐大詔令集卷一百二十三

欽定四庫全書

唐大詔令集卷一百二十四

宋 宋敏求 編

政事

平亂中

誅李惟岳後優卹易定等道詔

平李懷光詔

平李希烈詔

破淮西李希烈詔

平李迺詔

平劉闢詔

平李錡德音

平吳元濟詔

破淄青李師道德音

破汴州李汴勅

平亂中

誅李惟岳後優卹易定等道詔

李惟岳蔑棄父業不率王命敢肆狂狡援結頑兇朕初示容貸佞性遷善欲明天討未即加誅故諭之禍福先之誠誥忠良感激義勇爭勸元惡梟戮方底寧定立千載之勲安兆庶之命此朕所以當宸興懷感念成功者也張孝忠廉日知王武俊等勲書竹帛分掌方鎮文武之任寄同心膂既舉加封之典宜弘善貸之命其易定深趙恒冀節度觀察管內幕府將士州縣官吏比在迫脅

之中制非由已今元惡授首理合惟新以前過犯捨而不問自官軍出征所有誅戮並令州縣瘞埋勿令暴露有家屬者并許收葬管內百姓除本道所用外者給三年

平李懷光詔

朕聞自古哲王以道化下不竭物以充欲不勞人以樹威億兆之心如戴父母兵革不試四方來同苟昧於德綏務以力勝士旅疲耗蒸黎困窮幸以成功豈亦有補李

懷光出自戎伍頗著忠勞授於等倫授以旄鎛誓師河
朔奔難奉天秉心匪彝自底不類怙衆貪亂附奸脅君
朕用再遷幾危宗社洎股肱宣力賊泚就誅率土之人
咸懷奮激朕獨排羣議未忍加兵命復官封志期全貸
昏迷不返悖慢逾彰殘害使臣侵敗王畧上帝悔禍元
臣叶謀克集茂勲以夷大難蓋以誠信未著撫御失宜
至使功臣陷於誅戮謂之尅敵能不愧心然以懷光一
家在法無捨念其昔居將相嘗委腹心罪雖掛於刑書

功已藏於王府以奸詐之跡固合滅身以赴難之勲所宜有後務從寬宥俾洽幽明宜以懷光男一人為嗣賜莊宅各一所仍還懷光首及屍任其收葬其懷光妻子孫在室女等並迎適澧州委李聿遂便安置使得存立其出嫁女及諸親戚並宜釋放應先陷河中將士等皆因追脅無路伸明一切並與洗雪先有官爵實封者亦許仍舊河中府及同州百姓並經陷賊生業廢棄興言軫念良用憫然宜各給復三年河中保寧節度并管內諸軍節度副元

帥檢校司徒平章事北平郡王燧惟岳降生爵為時傑
奉上有匪躬之節謀師懷盡敵之謀嘉謨屢聞能事畢備
朔方河中同絳陝虢等州節度及管諸軍行營兵馬副元
帥侍中咸寧郡王誠堅持不奪之心亟陳必勝之畧輯
睦士旅崇功允集惟乃二帥其誠心奉行天誅同獎王
室是加寵命以答殊勲燧可兼侍中仍與一子正員五
品官并階餘并如故華州漳關鎮國軍節度檢校尚書
右僕射駱元光邠寧慶節度觀察等使檢校尚書左僕

射韓遊環鄜坊丹延等州節度觀察使檢校兵部尚書
唐朝臣等並節著艱危功成討罰各賜實封二百戶仍
各與子六品正員官並五品階餘並如故應諸軍同討
懷光將士宜封共賜三十萬端足以充宴賞並放歸本
道仍令所屬収叙錄即超資與改轉嗚呼自國家多難
二紀於茲朕嗣位七年連兵五載追惟往事悔恨盈懷
今二孽既誅諸方甫定哀彼淮右獨為匪人其帥畔逆
其衆何罪諸道應與淮西連接宜各守封境非彼侵軼不

湏進討仍委所在長吏明加招諭宣布朕懷李希烈若能歸降待之以不死其餘將士官吏百姓等一切洗滌與之更新斯爾庶邦自求多福無有遠邇咸使聞知

平李希烈詔

李希烈棄義背恩窮奸極暴謂神器可以力取謂生靈可以詐欺志在兇殘躬行僭竊罪無與比法所難容朕以君德不裕致人於禍究其端本過實在予不忍使蒸黎重相攻戰屢施詔命務欲懷柔抑羣帥奮發之誠駐

諸軍討逆之勢不憚屈已期於息人希烈曾無悛心益逞驕志虐毒滋甚吞噬無歇惡貫既盈自取夷滅開府儀同三司兼御史中丞陳仙奇忠勇有謀沉毅能斷據闔境受汚之憤導三軍思順之心倡義一呼羣情嚮附廓清氛祲殲戮渠魁驛書上聞函首入獻方隅既乂戍役其休懸賞之科是宜必信檢校工部尚書蔡州刺史御史大夫淮西節度仍賜實封五百戶應淮西管內將士百姓等頃迫兇威遂從脅制既誅元惡俱是平人除

希烈一家其餘悉從免宥更無所問將士等悉委仙奇
諸色官錢優與宴設其中道首建謀李同斬李希烈等
宜並條錄奏聞節級褒賞百姓等久經淪陷兼被傷夷
想茲凋殘實足哀憫除供當道軍用之外宜給優二年
將士之中不樂在軍願歸農業者委節度使刺史量給
逃戶田宅并借貸種糧優復中身使存濟宜令尚書左
丞鄭叔則往淮西宣慰嗟乎自希烈叛命於茲五年上
澤不通下情亦阻所宜宣我信命以釋危疑爰敷惠和

卷一百二十一
以禦傷療滌清汚俗咸與惟新底綏一方以稱朕意興元

年

破淮西李希烈勅

勅朕纂奉丕業託於人上仁不被物義不勝奸頃聲蔑聞暴亂連起叛臣希烈竊拒淮沂誠彼夫無良亦由朕不得撫御之道失之於始師旅一興綿聯莫解服勞者從役不暇受汚者無路自新通邑化為丘墟遺骸遍於原野每念及此心傷涕流且自昔勞師靡有不悔以虞

舜之聖屈於苗人漢武之強弊於戎虜矧乎德猶不逮
力或未全我其永懷亦已自驚乃者下哀痛之詔布寬
大之恩普天載新殊死畢宥然則尚勞師旅作梗封陲
有累歲離棄家室有經時不解甲胄忠雖為國咎實在
予君人若斯寧不知愧賴將相士旅一其誠心奮揚武
威慎固疆宇遠人思服元惡既誅蒸黎方致於安寧役
戍永期於休息懋官以旌美賜宴以勞旋賞不逾時式
遵彝典都檢校司空同中書門下平章事劉玄佐宜與

一子正員五品官節度使檢校尚書右僕射兼御史大夫李澄檢校兵部尚書兼御史大夫典環檢校戶部尚書兼御史大夫樊渾等與子孫一人六品正員官防禦使兼工部尚書賈耽都團練使檢校左散騎常侍兼御史大夫盧玄卿御史大夫張建封等並與子孫一人八品正員官檢校司空同中書門下平章事李抱真檢校司空同中書門下平章事李納檢校尚書左僕射同中書門下平章事韓滉檢校戶部尚書兼御史大夫田緒

等並追將士五千人赴河南行營同討不庭厥有成績
抱真納混緒並與子孫一人六品正員官應與淮西接界
州縣本軍鎮守及諸道赴行營將士等宜共賜物三十
萬端足以充賞設度支郎約據界首及行營軍額上配
定數目逐便支送仍委本道都統節度都坊禦都團練
使即條錄具名銜聞奏並與甄収其行營將士仍各放
歸本路明加宣諭令悉朕懷

貞元二年六月

平李迺詔

干紀挾邪罪在無捨立忠効節賞不踰時善惡之理明
懲勸之義著李芳勞男迺色藏奸險違背君親悖慢朝
章扇動軍旅縱其豺狼之性徇其梟獍之心迫脅使臣
妄有希覬厭蠱其父謀害其兄名教之所不容臣子之
所同棄而又恣為不道虐及無辜伊屢說張伍劉叔向
並是忠良橫遭誅戮萬榮卧疾不能制正永言及此深
用軫懷李迺稔惡貫盈宜正刑典其伊屢說等委却三
人委中書門下則與追贈仍令與一子八品正員官應

在汴州將士等志堅金石節厲冰霜叶奉邦家咸懷憤
激不受焚惑問疾奸兇執縛軍中傳獻闕下勲庸特茂
遐邇所知宜獎忠勞各加優賞並與進秩仍令董晉三
日內具名銜聞奏仍共賜錢三十萬貫委董晉逐便取
鹽鐵轉運使錢物分給宣武軍節度都虞候兼御史大
夫鄧惟恭都押衙兼御史大夫杜皓大將王應鳳曹元
倡楊燕竒劉惟清陳文朝陳沛張庭芬薛文翰趙臧周
李庭光宇文滄李國信並竭忠效誠績用昭著惟恭可

檢校左散騎常侍依前兼御史大夫賜實封百二十戶
一子七品正員官并賜物四百疋杜皓英幹並可右散
騎常侍依前兼御史大夫應鳳已下各加官賜貫庭芬
仍同節度副使十將等二百六十五人並優與改官在
城將士被李迺脅從邀逼制使者事不由已朕所深知
並一切不問宋州刺史兼御史大夫劉逸淮亳州刺史
兼御史大夫食封五千戶許孝常潁州刺史兼御史大
夫高五立等咸竭為臣之節各懷奉國之心並可檢校

右散騎常侍各賜實封一百戶其本官並如故仍各賜物二百五十疋其三州將士令別賜錢十萬貫亦並委董晉准前逐便收取鹽鐵轉運使錢物分給仍委董晉速具名聞奏當與甄錄

平劉闢詔

朕聞去天下之害者受天下之利故陳諸原野非為樂戰法彼震曜本乎愛人五材不聞去兵七德必於禁暴皇王之道豈不信歟逆賊劉闢時之妖孽處肖形之內

罔識君親同人代之間別為梟獍因元臣之蓄聚恃庸
蜀之江山誘誤生靈扇惑桀逆朕荷祖宗之丕業邦國
之大經人之亂常法所不捨乘茲懷憤爰我徂征興戈
矛於關西發介馬於并郡五營禁旅七萃神兵合貔武
之雄投鷹揚之帥守無絕險進靡堅營麾城而壁壘皆
空接刃而撓捨盡掃瓦解冰泮渙焉無餘微盧彭濮從
茲廣定蕩三蜀之流患除一方之大殘豈予寡德能致
於此斯皆宗社降祐啟無疆之休將帥叶謀成永康之

福祇若靈眷嘉乃衆心予懷惕然若陷冰谷其収復成
都諸大將并擒獲劉闢軍將等委崇文與都監軍使俱
文軫條流等第聞奏即有甄升其賞物等委崇文等節
級分賜務令復原投降將士亦委崇文軫條流聞奏西
川諸州鎮刺史大將及參伍官吏將健百姓等復應被
彼脅從補署職掌一切不問西川百姓久遭兇逆不免
傷殘其兩稅錢等委本道觀察使量事矜減其東川州
縣及山南西道當兇徒聞惕之後王師攻取之辰發輓

饋軍餚自補缺一日之貴豈止十金三軍所資盡出百姓永言勞弊朕所軫懷其東川元和三年上供錢並放留州留使錢委觀察使量事軫減仍具數奏聞山南西道元和二年上供錢糧放一半官軍陣亡將士等並委崇文監軍審勘具名銜事跡申奏即與褒贈家口等並委本軍優賞五年不停衣糧并委所在州縣速為收葬仍量事致祭陷在賊中官吏百姓等應有節義著明無辜受戮者並委節度使具名迹奏聞當與追贈仍優給

其家不分疆設都益資共理形或壞制亦在稍均將憲
難與銷明在立防而有素故賈生之議以楚益梁宋氏
之規割荆易郢酌於前事宜加變通其西川資簡陵榮
昌瀘等六州宜割屬東川於戲制理經邦必垂意於未
亂而養灾畜患固難策於已然撲彼燎原至於用鉞永
言迷復載軫具聞咨爾多士依予深志布告天下咸使
聞知

平李錡德音

天地之德佐助者忠良鬼神之靈覽陪者盈貫故有無
狀之釁顛越以敗常則有不奪之誠感慨以明節易所
謂功業見乎變書所為不善降百殃積惡必至於滅身
見幾寧俟於終日應若影響昭然著明李錡受恩三朝
受任千里勺水卷石以至高深潤草塗原豈酌亭毒而
棄我厚德稔其奸心滔天以肆其逆謀推法未窮其醜
行乃者式舉式旆申嚴國刑將鼓雷霆之威以誅梟獍
之罪鎮海軍左廂兵馬使兼御史中丞子良等外弘智

慮內激精忠擐甲執兵取兇人之柄瀝肝嘗胆懷勁草
之風廻戈以掩其羽毛竟夕遂擒其魁首天府無一金
之費已靜江流王師無一戰之勞已降人害莫大之節
卓然無倫非常之功斯謂不朽高位重賞予何愛焉殊
加榮寵宜顯旌勸其張子良等超異酌賞並從別勅處
分其立功將士等並准平西川仍節度優賞甄叙其廂
官健等素聞勑効順亦宜霑賞並從別勅處分王澹趙
錡等仗節死義殺身成仁無罪無辜受茲殘酷所宜褒

表並勸忠貞即加追贈故仍令州縣致祭收葬其王澹
如有子弟服滿日與一子八品正員官如更無幸受戮
及脫身効順者亦委元素具事聞奏當有褒贈及加甄
錄如受戮之中長行官健勿停糧賜優給其家浙西管
內官吏及職掌人若被逼脅駁使者但情非同惡一切
不問每念疲亡久罹虎政而又迫於逆命駁以饋軍攫
歛則准以漏卮傷殘則烈於猛火永言於此如納諸隍
宜申蠲貸之恩冀息呻吟之苦其潤州今年秋稅徵納

者一切放免其管內諸州縣如李錡作亂之后橫加徵
剥委元素審加勘責具色目聞奏其榷酒錢亦宜處置
聞奏應副伐之師如未出本界者委本道量加賞給如
已出界者仰具聞奏朕惟前王之訓欽慎典刑今為惡
者就誅而建勳者已錄應將索弓偃革遂物之生成力
穡勸農分致於富壽覆車垂永鑒之轍端戾扇無為之風
咨爾萬方宜知朕意

平吳元濟詔

朕聞天地之於萬方也道深昭育而雷電震曜將時警
其不庭帝王之臨九有也德尚撫綏而原野師徒亦
必加於有罪是以將伐而捨義在止奸禍名由人孽固
難逭朕嗣膺寶歷恭守丕圖自靖亂也肅除妖海浙勘
剪羣慝將期理平全保太和非欲生事逆賊元濟審可
稔惡憑固阻兵擅釋父喪悖違君命行虧天性義絕人
倫厲殘忍之聲豺狼是類忘生成之德梟獍為心大告
屢加逆謀轉甚宜用社至出軍猶宜弔伐之方必冀無

討論之命元臣統護授憲惺之深謀上宰專征運廟堂
之誠筭羣帥畢力萬旅一心戰以力摧襲由奇勝李愬
全師直進堅壁洞開元亮就執於城池餘孽奔降於草莽
霧銷冰泮淮濱水清斯皆宗社垂休人神協贊仰荷靈
眷俯嘉衆誠共協勤勞式副予志惕然衷懷載益之厲頒爵
授賞予何愛焉其収蔡州擒吳元濟節度及諸大將等
宜從別勅處分諸立功將士等委韓弘裴度行營諸道
節度使速條流等第聞奏即有甄升其賞物等已令節

給優厚支遣亦具別勅處分其投降士亦委韓弘裴度
與諸道節度使計會條流聞奏其中有是親差子弟兵
使放歸營農仍具數聞奏其淮西諸州縣官吏將健等
雖被脅汚皆非本心除同惡巨蠹者一切不問其淮西
百姓等陷此允逆久罹殘傷莫匪吾人寧忘優恤宜准
元勅給復二年仍委州縣長吏設法安撫其淮近賊四
州自王師問罪供億實繁頗有優矜放其稅賦尚慮人
多困極務俾昭蘇其來年夏稅亦宜放免比來諸州府

供行營勞役尤甚宜令放委有司條流聞奏議優恤自
經戰伐所有傷痍至於徇國捐軀效忠立節每加憫歎
寢寢是懷官軍陣亡將士並委韓弘裴度與諸軍審勘具
名銜事跡申奏即與褒贈其家口等並委本軍優賞仍
五年不停衣糧并所在州縣速為收塋仍量事致祭於
其家將士有因戰陣傷損以致殘廢者各委本軍厚致
優恤仍給衣糧其陷在賊中官吏將士百姓等應有節
義著明無辜受戮者宜令州縣府長吏致祭收葬仍委

節度使具名跡聞奏當有褒贈仍優賞其家先以褒贈者委長吏訪其子孫聞奏當與甄錄其家亦准例優賞於戲制理垂規每思去殺而亂常作逆多自干誅爰念興師至於殄寇累年之內徵役靡寧除害雖本於愛人敷化終慙於用鉞宵衣永嘆所良貴焉咨爾萬方宜諒予志

破淄青李師道德音

門下朕聞三光下燭懷忠秉義者其節必彰四海莫維

作逆崇奸者其禍必大况乎恩有負於覆載禮自悖於
君親罪盈而神怒既加惡稔而人謀乃發衆所共棄誅
何可逃逆賊李師道包稔逆兇背德蔑義動皆干紀言
必欺天固海岳之山川為弛豕之池宅忘寵祿於累代
恣殘忍於一方怙亂自至於滅身誅戮難窮於擢髮朕
祗臨寶位仰奉丕圖除暴本務於好生用武尚慙於耀
德肆命羣帥會兵龜蒙旗鼓相望城壘連下淄青都知
兵馬使金紫光祿大夫試殿中監兼監察御史劉悟義

勇中激沉謀外通據三軍嚮順之誠申列郡受汚之憤
廻戈首唱萬旅轉從渠魁就殲梟獍同戮載馳駟騎函
首上聞氣侵廊清方隅底定功有卓異理當優崇旌善
勸能用昭必信其劉悟所酌官賞並從別勅處分其同
立功將士等賞物已處分支遣委宣撫使揚於陵與本
道計會速條流功效等第開奏續加甄獎魏博以全軍
濟河俯壓賊壘攝推允狡導致叶良謀作為保授既剪
逆豎宜甄茂勲諸道行營咸盡忠力攻於戰取尅捷既

聞應緣討伐將還之際合有宴勞賞賜等並從別勅處
分委各本道條流有功將士聞奏當議甄錄其淄青管
內州縣官吏軍鎮將健及諸色職掌人等久罹脅汗自
拔無由撫事量情亦可矜恕除同惡巨蠹者其餘一切
不問其淄青道百姓等陷此兇逆久被殘傷昨同阻兵
尤肆暴虐吾人是念豈忘優矜宜給復一年仍委本道
州縣長史設法撫綏其管內有高年廢疾并鰥寡惄獨
貧弱尤甚者委官察到日差官存問並量與粟帛訪問

比者賊中有舛斛皆被收納今春農時貧乏者衆恐不辦耕桑失生業者宜令存問如有此色取所舊貯斛舛量事給與令充種食得存濟其賊中雜差點子弟夫役便放還本處其中有不能自存者量事優恤百姓商旅諸色人中有被分外無名賦歛者並當勸停自興討伐言念傷痍扞患捐軀納忠徇國良深隱憫寧捨寤懷其官軍有陣亡將士等委本軍審勘具名銜事跡申奏即與褒贈仍令本軍優賞其家三年不停衣糧并委所在

州縣速與收葬量事致祭其將士有因戰陣傷損尤甚
以致殘廢者各委本軍厚加優恤仍勿停解其陷在賊
中官吏百姓等應有節義著明無辜受戮者宜令州府
長吏致祭收葬仍委節度使到日具名跡聞奏當有褒
贈仍優賞其淄青封域歷稔氛昏管內名山大川在祀
典者宜令宣撫使舉本鎮計會差官備禮致祭其祀廟
中應緣陳設器服等物是賊中所置者並宜廢撤特加
脩援用處致誠於戲朕恭已嚮明撫御凡有推情以恕出

令在寬而兇逆反常自貽天討迷於告諭速彼誅鋤轉

禍必有其忠臣為亂竟同於覆轍既除逋寇庶洽大和偃

戢干戈諒從此始布告遐邇咸使聞知主者施行元和十四

年二月二

十一日

破汴州李亦勑

勑理天下者務於安遐邇致康濟者資於懷兆人朕統
馭萬邦式敷王度任藩方以俾乂冀干戈之載戢虔恭
惕厲未始暫忘推懷是心布乃中外昨乃夷門逐帥逆

將興師蒼黃變生黎庶無告逆賊李宷駁掠忍害流離
毒痛在浚之郊君鼎將爨逼脅我軍盜竊我戈鋌駁馳
外坰敢肆蜂蠭朕所以不降明命未行天誅容革其心
以示迷復蓋以一方軫念三面閑羅將弘愛物之私用
廣好生之施而梟音資戾魄狼憑兇危巢已焚禽猶自
若光顏韓充曹華智興等感激忠勇揮戈誓師雷霆鼓
旗所向風靡逆黨殲殄平原霧清熊羆之師漸及摩壘
夫疾風朝來斯勁草方辨熾火將燎而良金益明果聞

義烈之臣奮起轅門之內一揮斬首三令無喧嚴城洞開以
候來師永言忠効是錫寵章其梟斬逆賊李宷宣武
軍都知兵馬使李質已從別勅處分忠武充海武寧鄭
清滑等軍將士等感主帥之忠誠忘身赴敵視寇仇而
忿嫉決命爭登高簡以睢陽一郡之師當蛇豕奔衝之
勢咸能勦其醜類如刈草菅各振軍聲用宣威畧其忠
武充海寧鄭滑應付行營及宋州將士等並節給各有
賞物以別處分支給委本軍據功勞額烈級散歸還之

時仍加宴勞朕念彼無辜墜此塗炭橫為兇狡駆脅傷
夷其汴州管內縣州官吏軍將鎮健及諸色職掌人等頃
羅脅汙自拔無由事非獲已情亦矜恕除同惡巨蠹者
其餘一切不問仍榜示如或妄有恐嚇言告者科其反
告之罪干戈暫興里閭必害春言農敵是廢耕桑其汴
宋鄭三州惟此允逆士馬屯集供億殷繁雖事乃徇時
而人亦勞止予懷軫念豈忘優矜其三州管內有兵馬
所到縣百姓或被驚擾處且於今年秋稅三分內量放

免一分仍委州縣長吏切加綏撫其賊中雜差點子弟
夫役放還鄉里俾安生業其中有不能自存者量事優
恤應百姓中有被分外無名賦歛者並宜當時勸停義
士忠臣見於死節賞功褒美冀及殤魂惠恤其孤庶明
報効軍有陣亡等并李介為亂已來有潛謀効順誠節
可嘉并因此遇害者並委本軍審勘具名銜事跡申奏
當與申獎及加褒贈仍令本軍優給其家三年不停衣
糧并委所在州縣速為收葬董事致祭其將士有因戰

陣傷損尤甚以致殘廢者各委本軍厚加優卹仍勿停
解掩骸埋骨國之令典迫於允醜良可傷嗟念其本亦
吾人益事非獲已其經戰陣處所有賊中遺骸隨令所
在州縣隨在收瘞勿致暴露嗚呼弔伐之道予遵格言
靖寇安人豈忘終日朕載橐弓矢思保黎首而雨露所
均動植所繫一夫竊嘆朕每興懷况茲浚郊都邑之會
所以慎擇將帥期於乂安今寇孽已清封壤寧息師之所
處用軫於中將申宥恤之恩庶息瘡痍之痛布告中

外咸使聞知

長慶二年八月二十五日

唐大詔全集卷一百二十四